



Yesu Mfalme wa Amani

Basi yote myatakayo mtendewe na watu, nanyi watendeeni vivyo hivyo; maana hiyo ndiyo torati na manabii.—**Mathayo 7:12.**

Popote pale ambapo uwezo wa akili, mamlaka, au nguvu inapotumika, na upendo kutooneshwa waziwazi, upendo na mapenzi ya wale tunaotafuta kuwafikia huchukua nafasi ya kujilinda, ya kukaidi, na nguvu zao za upinzani huongezeka. Yesu ni Mfalme wa Amani. Alikuwa duniani ili kuutiisha upinzani na mamlaka. Aliweza kuamuru hekima na nguvu, lakini mbinu alizozitumia ili kuushinda uovu zilikuwa hekima na nguvu ya upendo....

“Basi yote miyatakayo mtendewe na watu, nanyi watendeeni vivyo hivyo.” Matokeo yenye Baraka yatatokea kama matunda ya utendaji huo. “Na kipimo kile mpimiacho, ndicho mtakachopimiwa.” Hapa kuna motisha upaswao kutubidisha kupendana sisi kwa sisi kwa moyo safi, na kwa bidii. Kristo ni kielelezo chetu. Alikwenda huku na huko akitenda mema. Aliishi ili kuwabariki wengine. Upendo ulifanya kuwa mema na maadilifu yote aliyoyatenda. Hatujaamuriwa kujifanyia kile tunachotamani wengine watufanyie; tunaamuriwa kuwafanyia wengine kile tunachotamani watufanyie kwa namna iyo hiyo. Kipimo tunachopima ndicho tunachopimiwa siku zote. Upendo safi ni sahili katika utendaji wake, na ni tofauti na kanuni nyinginezo za utendaji.... Upendo unapaswa kutunzwa na kukuzwa, kwa maana mvuto wake ni mtakatifu (Testimonies For The Church 2:135, 136).

Ukiwa ndani ya Yesu unaweza kupenda kwa ari na kwa bidii. Upendo huu unaweza kuongezeka kwa kina na kupanuka bila mipaka. Ukimpenda Mungu utathibitisha upendo kwa jirani zako, na utajihusisha katika majukumu ya maisha kwa shauku kuu isiyo na ubinafsi. Kanuni safi zinapaswa kuonekana katika matendo yako. Amani ya ndani italeta hata mawazo yako kwenye njia yenye afya....

Amani ya akili, ambayo hutoka kwa nia na matendo safi na matakatifu, itatoa chemchemi ya bure na yenye nguvu kwenye viungo vyote vya mwili. Amani ya ndani na dhamiri isiyo na kosa kwa Mungu itahuishia na kutia nguvu akili kama umande unaomwagwa juu ya mimea laini.... Tafakuri zinavutia kwa sababu zimetakaswa. Utulivu wa akili ambao unaweza kuwa nao utawabariki wale wote unaohusiana nao. Amani hii na utulivu baada ya muda vitakuwa vya asili, na vitaakisi male yake ya thamani juu ya wote wanaokuzunguka, ili kuakisiwa tena kwako.

Kadiri unavyoonya amani hii ya mbinguni na utulivu wa akili, ndivyo itakavyozidi kukua. Inahuishwa, ni furaha iliyo hai ambayo haipumbazi nguvu za uadilifu, bali huziamsha katika utendaji zaidi. Amani kamilifu ni mwenendo wa mbinguni ambao wanao malaika (Testimonies for the Church 2:326, 327).